



**Sandøy kommune**  
Rådmannen

Fylkesmannen i Møre og Romsdal

Dykkar ref.:

Vår ref.: 16/182

JournalpostID:  
17/6949

Saksbehandlar, tlf.

Anny Sønderland, 71 27 75 10

Dato: 18.12.2017

## **Søknad om grensejustering i Sandøy kommune - innhenting av faktagrunnlag til utgreiing**

Vi viser til spørsmål om innspel til faktagrunnlag til utgreiing om mogleg grensejustering i Sandøy kommune.

Vedlagt følger våre innspel.

Ta gjerne kontakt ved behov for utfyllande informasjon.

Med helsing  
for Sandøy kommune

Anny Sønderland  
rådmann

*Dokumentet er elektronisk godkjent og har ingen signatur.*

### **Vedlegg:**

Namn/ adresseliste på fastbuande - Orten

Namn/ adresseliste på fastbuande - Sandøya

Namn/ adresseliste på fastbuande - Ona

Faktagrunnlag til utgreiing om eventuell grensejustering

**Kopi til:**  
fylkesmannen i Møre og  
Romsdal Vigdis Rotlid Vestad



## SANDØY KOMMUNE

### Faktagrunnlag til fylkesmannens arbeid med utgreiing om mogleg grensejustering - 18.12.2017

#### Innleiing

Vi ser det som positivt at kommunen og også fellesnemnda i nye Ålesund får kome med innspel til faktagrunnlaget til fylkesmannens utgreiing om mogleg grensejustering.

Vi vil først vise til inndelingslova og forhold som dermed skal leggjast vekt på ved vudering av ei mogleg grensejustering:

*Formålet med denne lova er å leggje til rette for ei kommune- og fylkesinndeling som innafor ramma av det nasjonale fellesskap kan sikre eit funksjonsdyktig lokalt folkestyre og ei effektiv lokalforvaltning. Endringar i kommune- eller fylkesinndelinga bør medverke til å skape formålstenlege einingar som kan gi innbyggjarane og næringslivet tilfredsstillande tenester og forvaltning. Verksemda etter denne lova skal byggje på prinsippet om lokal medverknad og initiativrett til grenseendringar.*

Vi merkar oss at fylkesmannen i førebels utkast nyttar tittelen grensejustering i Sandøy kommune og ikkje til dømes **utgreiing om mogleg** grensejustering i Sandøy kommune.

Når det gjeld kartet, vil vi påpeike at sjøgrensa for ei eventuell grensejustering går svært nær Finnøya, og at det er lagt inn ein «knekk» for å få med alle øyene som er med i søknaden. Vi forstår det slik at dette er ein illustrasjon for ei aktuell grenselinje. Gjeldande kart er ikkje tilfredsstillande.

Den moglege grensejusteringa omfattar mellom 4-5 % av innbyggjarane i Sandøy kommune og over 40 % av arealet (landareal/havområde).

Ei grensejustering har ei kostnadsside. Vi legg til grunn at dette også er eit moment som blir teke med i ei heilskapleg vurdering.

Vi vil nedanfor gje innspel til dei fakta som fylkesmannen har bedt om.

#### Kommunale tenestetilbod

Med nokre få unntak får innbyggjarane på dei aktuelle øyene tenestene sine i Sandøy kommune.

#### **Helse- og omsorgstenester**

Helse- og omsorgstenester blir i hovudsak gitt på Harøya. Det er ikkje faste tilsette med tenestestad på Sandøya, Ona og Orta. Tenester til innbyggjarane blir tilbydd ut frå behov og i nært samarbeid med brukar/pasient. Det er heimetenester som støttekontakt, praktisk bistand og heimesjukepleie som det blir lagt til rette for i heimen. Vi finn lokale løysingar. Periodevis er det løna familiehjelp.

Innbyggjarar på øyene Sandøya, Ona og Orta har historisk sett vore prioriterte brukarar/pasientar ved tildeling av tenester for å sikre tryggleik og stabilitet i tenester. Prioritet har blitt gitt både ved tildeling av omsorgsbustad og heildøgnsomsorgstilbod. Fleire eldre med behov for fast oppfølging er i dag busette på Harøya i tilrettelagt bustad. Desse og andre frå øyene nyttiggjer seg dagtilbod på Møteplassen.

Det er inngått avtale med ein skilde innbyggjarar på kvar av småøyene om transport av pasientar i privatbil ved behov til legeskyssbåten.

Kommunelegen i Sandøy er fastlege for ca 1300 pasientar, som er meir enn talet på busette i kommunen. I rapport utarbeidd av Nordplan AS er det oppgjeve at nokre av innbygarane på øyene nyttar fastlege i Aukra og i Molde.

Det er i dag legevaktsamarbeid mellom kommunane Sandøy, Midsund og Aukra. Midsund og Aukra ønskjer samarbeid med Molde kommune om legevakt.

Det er barn under skulepliktig alder som får helsestasjonstenester i Aukra.

### **Oppvekst og kultur**

Skulebarn frå Sandøya går på skule på Harøya. Desse har dekt skuleskyss dagleg. Det inngår i beredskapsplan at Øyvon blir brukt til frakt av skuleborn ved driftsstans etc.

Frå næringsfondet og dei ållmenne kulturmidlane blir det gitt støtte til tiltak i heile kommunen. Forsamlingshuset Stormly på Ona har til dømes fått støtte. I kulturbudsjettet inngår dekking av transportutgifter for korps 17. mai til Sandøya og Ona.

Øyene har sentrale kulturminne som Steffogarden og Sandøy kyrkje. Kommunen er del av Romsdalsmuseet og vil framleis vere det i nye Ålesund.

Ved politiske møte, som kommunestyremøte eller folkemøte, vil det bli avtalt særleg skyss om dette er naudsynt for innbyggjarar på øyene slik at dei kan delta. Dette blir avklart frå gong til gong.

Dette blir også gjort tilpasningar til ferjeavgangane ved arrangement som til dømes seniordansen. Kommunen har arbeidd for «kulturruta» torsdag og fredag, slik at dei frå øyene kan nå arrangement ettermiddag/kveld.

Etter det vi kjenner til er Sandøy kommune, inklusiv øyene sjølv, retningsval pr. i dag ved bruk av kultur- og fritidsaktivitetar for befolkninga i det aktuelle området.

#### **Foreinigar i det aktuelle område:**

- Ona og Husøy Velforening
- Ona småbåtlag
- Steffogardens Venner, Ona
- Forsamlingshuset Stormly, Ona
- Sandøy Velforening
- Sandøy Småbåtforening
- Sandøy Kvinne og familieforbund
- Orten småbåtlag

Sandøya kyrkje og kyrkjegard blir nytta av pårørande frå Finnøya. Gravplassen blir også i dag delvis nytta av innbyggjarar frå Finnøya. Kyrkja blir kvart år brukt til barsedåp og konfirmasjon av innbyggjarar i heile Sandøy kommune, samt folk utanfrå kommunen.

### **Tekniske tenester og brann**

Kommunen leverer vatn til Sandøya, Ona og Husøya. Det ligg sjøledning frå Finnøya, via Sandøya til Husøya. Denne krev ettersyn med dykkarar. Dette er kostbart, men nødvendig for å sikre at leidninga er i orden.

Vasstårnet på Sandøya er i drift, og hydroforanlegget på Husøya skal oppgraderst i samband med riving av Ona skule. Desse blir tekne ut av bruk når høgdebassenget på Myklebust/Harøya er ferdig.

Alle vassforsyningsanlegga er i relativt dårleg stand, og gjev årleg utfordringar med frostskaider i uisolerte bygningar med påfølgjande lekkasjar.

Kommunen har ansvar for vegar på alle øyene. På Ona/Husøy og Sandøya er det mest fylkesvegar. Kommune har avtale med ein operatør på kvar øy om brøyting.

Det er kommunale kaier, og særleg på Orta har det vore brukt mykje midlar på reparasjon og vedlikehald av ambulansakai/flytebrygge. Den er ikkje i funksjon for tida.

Det er bygd kommunale avløpsanlegg på Ona og Husøya seinare år. Det er elles behov for oppgraderingar.

Det er branddepot på Sandøya og Ona/Husøya. På Sandøya er det tre deltidstilsette «depotmannskap». Det er ein på Orta, men ingen på Ona. Vi har der ein avtale med ein fastbuande om ettersyn av utstyr etc. Dette er sårbart. Vi har utarbeidd brannsikringsplan som krev øvingar, og har fått montert nye brannpostar og brannalarmar. Orta har ikkje depot. Det er der behov for noko utstyr til bruk før brannvesenet kjem. Molde Brannvesen vil også i framtida vere sentral for å bistå ved brann på Ona/Husøya, Sandøy og Orta.

### **Kommunale tenester i Nye Ålesund**

I nye Ålesund vil Steinshamn framleis ha tilbod om jordmor, helsestasjon, lege, heimeteneste, omsorgsbustader med og utan heildøgnsstilbod, sjukeheim, rådhusfunksjonar og andre tenester. Skule, barnehage og SFO skal vere på Huse som no. Dette går fram av intensjonsavtalen. Færre innbyggjarar vil kunne svekke grunnlaget for tenestene for resten av innbyggjarane i dagens Sandøy kommune.

Som del av nye Ålesund vil dei kommunale tenestene, og dermed arbeidsplassane, framleis vere nær brukarane. Dei tilsette i Sandøy blir ein del av eit større fagmiljø. Spesialiserte tenester vil bli tilgjengelege. Dette i samsvar med målsettinga i kommunereforma om at større kommunar skal gi betre kapasitet og kompetanse.

## Viktige naturressursar og spesielle geografiske tilhøve – nye Ålesund

Sandøy kommune har 21,5 kvadratkilometer landareal. Havflata i kommunen er 985,7 kvadratkilometer. Ved ei eventuell grensejusteringa vil store havområde ikkje lengre vere del av kommunen.

Havområdet er sentralt for å arbeide fram løysingar og sikre ei berekraftig utvikling gjennom det grønne skiftet. NTNU satsar på det grønne skiftet, og samarbeider med det innovative miljøet ved Norsk Maritimt Kompetansesenter om forskning og vidareutvikling av den maritime og marine næringa. Nye Ålesund legg opp til eit samarbeid og ei satsing her.

I konkretiseringa av Intensjonsavtalen står det: Det er viktig å utnytte Sandøy kommune sin strategiske posisjon på kysten og etablerte næringskluster for t.d. turisme, maritim, marin og energinæring. Havrommet skal utviklast som ei større strategisk næring der fagmiljø for havrommet og vindenergi etablerast i Sandøy, i nært samarbeid med forskningsinstitusjonar.

Som eksempel kan vi nemne at Sandøy kommune allereie er med i eit pilotprosjekt for å lage marine grunnkart saman med kommunane sør for oss. Prosjektet er også ein del av nye Ålesund. Det er Runde Miljøsentert som koordinerer prosjektet. Prosjektet er viktig for å kunne forvalte kyst- og havområda best mogleg, gje god kunnskap om moglege kulturhistoriske verneområde, kunnskap til bruk i beredskapsformål og næringsformål.

## Utbyggingsmønster

Oversikt over reguleringsplaner på Sandøya, Ona, Husøya og Seterøya:

Regulering Seterøya	12.06.2014	Kart	Føresegner	15462014001
Regulering Hytteområde Hamnevågen gbnr 3/12,263	26.05.2016	Kart	Føresegner	2015002
Sjåberget småbåthamn på Sandøya	12.06.2014	Kart	Føresegner	15462014002
Ona/Husøy	20.02.1997	Kart Ona -kart Husøy	Føresegner	15461997001
Endring Husøyvågen og kringliggende areal m/føres.	23.09.2009	Kart Teiknforklaring	Føresegner	15461997001-01
Endring Husøya - område for fritidsbustader	20.10.2011	Kart	Reg.bestemmelsar Planbeskrivelse	15462011001
Endring Ona/Husøy - Husøy felt 3	20.12.2010	Kart	Føresegner	15462010003
Regulering Pe-hamna på Husøya	23.04.2015	Kart	Føresegner	2015005
Regulering Sandøy plastindustri gbnr 3/181	30.11.2017			2016005
Regulering område for fritidsbustader i Hamnevågen på Sandøya gbnr 3/176	Varsel om oppstart			

## **Reisetid og pendling**

Dagens rutetilbod viser følgende:

- Frå Ona til Småge er reisetida 1 time og 40 minutt. Frå Ona til Finnøya er reisetida knapt 40 minutt.
- Frå Sandøya til Småge er reisetida vel 40 minutt. Frå Sandøya til Finnøya knapt 15 minutt.
- Frå Orta til Småge er reisetida 20 minutt, Frå Orta til Finnøya 25 minutt.

Frå fergekai til sentrum i kommunene/sentrale servicefunksjonar er det om lag like langt.

Øyane vil, med unntak for Orta, har kortare reisetid til sentrale servicefunksjonar i Sandøy kommune enn til Aukra kommune. Dette vil også bli tilfelle i nye Ålesund. Ei eventuell omlegging av fergeruta vil kunne endre noko på dette. Den fysiske avstanden frå Ona/Husøya og Sandøya er uansett kortast til Finnøya.

Fylkesstatistikk 2017 viser at det er hovudvekt av pendling ut av kommunen sørover: 25 reiser sørover, 18 nordover, derav 22 til Ålesund/Haram og 16 til Molde/Aukra. Det er også hovudvekt av pendling inn til kommunen frå sør: 51 kjem frå sør, 23 frå nord, derav 32 frå Ålesund/Haram, og 8 frå Molde/Aukra.

Viktigast vil her vere inn- og utpendling frå område som er aktuelt for grensejustering.

Slik vi kjenner til det, er det fleire som pendlar til Finnøy/Harøy enn til Aukra.

- Mellom 5 -10 til Finnøy/Harøy
- Under 5 til Aukra/Molde

## **Anna**

Overordna økonomiske effektar, dvs effekt på frie inntekter:

- Effekten av 67 færre personar fordelt på aktuelle aldersgrupper gir om lag 1 mill. kroner i mindre frie inntekter. (Folketalet er truleg noko lågare i dag.)

Utligna skatt (jf. effekt av inntektssystemet):

- Effekten av bortfall av skatteinntekter er beregna til 0,6 mill. kroner. (usikkert anslag)

Sandøy kommune fekk om lag 330 000 kroner i eigendomsskatt frå øyene i 2017.

Det blir også tapt inntekstkilde frå havbruksfondet. I 2017 var det 43 000 kroner.





Fylkesmannen i Møre og Romsdal  
Postboks 2520  
6404 Molde

## **Supplering av faktaopplysningar frå nye Ålesund til pågåande utgreiing om mogleg grensejustering i Sandøy kommune**

Fylkesmannen i Møre og Romsdal har bedt om supplering av faktaopplysningar i samband med pågåande utgreiing av mogleg grensejustering mellom kommunane Sandøy og Aukra, nærare bestemt øyane Ona, Orten, Sandøy, Lyngværet, Seterøya og Gåsøya.

Sandøy kommune har supplert med faktaopplysningar i eige brev sendt 18.12.17, nye Ålesund støttar innhaldet i brevet frå Sandøy kommune, som også ligg som vedlegg.

Fylkesmannen har i tillegg bedt nye Ålesund kommune v/fellesnemnda om å gjere greie for fakta på område det er naturleg at den nye kommunen uttalar seg. Nye Ålesund gjer dette ved å kort oppsummere innhaldet i faktaopplysningane i brevet frå Sandøy kommune, samt å framheve utvalde faktaopplysningar som er særleg viktige for den nye kommunen.

### **Kommunalt tenestetilbod for innbyggjarane i det aktuelle området**

Ei mogleg grensejustering omfattar 4-5 % av innbyggjarane i Sandøy kommune (rundt 60 innbyggjarar). Inndelingslova viser til at endringar i kommuneinndelinga bør medverke til å skape formålstenlege einingar som kan gi innbyggjarane og næringslivet tilfredsstillande tenester og forvaltning. Faktaopplysningar om det kommunale tenestetilbodet i dag i det aktuelle området, og kommunale tenester i nye Ålesund er difor viktige:

Det kommunale tenestetilbod i dag:

- Helse- og omsorgstenester blir i hovudsak gitt på Harøya. Innbyggjarar på dei aktuelle øyene har historisk sett vore prioriterte ved tildeling av tenester for å sikre tryggleik og stabilitet.
- Skulebarn frå Sandøya går på skule på Harøya. Desse har dekt skuleskyss. Båten Øyvon blir brukt til frakt av skuleborn ved driftsstans etc. i hht. beredskapsplan.
- Kulturmidlar og næringsstøtte frå næringsfondet støttar tiltak i heile kommunen. Til dømes har forsamlingshuset Stormly på Ona fått støtte.
- Etter det ein kjenner til er Sandøy kommune, inklusiv øyene sjølv, retningsval for kultur- og fritidsaktivitetar for befolkninga i det aktuelle området.
- Øyene har sentrale kulturminne som Steffogarden og Sandøy kyrkje.
- Sandøya kyrkje og kyrkjegard/gravplass blir nytta av pårørande frå Finnøya.
- Dette blir gjort tilpassingar til ferjeavgangane ved arrangement.



## Nye Ålesund kommune

Haram - Sandøy - Skodje - Ørskog - Ålesund

- Ved politiske møte og folkemøte, blir det avtalt særleg skyss ved behov for innbyggjarar på øyene.
- Kommunen leverer vatn til Sandøya, Ona og Husøya. Det ligg sjøledning frå Finnøya, via Sandøya til Husøya. Vasstårnet på Sandøya og hydroforanlegget på Husøya blir tekne ut av bruk når høgdebassenget på Myklebust/Harøya er ferdig.
- Kommunen har ansvar for vegar på alle øyene. På Ona/Husøy og Sandøya er det mest fylkesvegar.
- Det er kommunale kaier, og særleg på Orta er det brukt mykje midlar på reparasjon og vedlikehald av ambulansakai/flytebrygge. Den er ikkje i funksjon for tida.
- Det er bygd kommunale avløpsanlegg på Ona og Husøya seinare år.
- Det er branndepot på Sandøya og Ona/Husøya. På Sandøya er det tre deltidstilsette «depotmannskap». Det er utarbeidd brannsikringsplan som krev øvingar, og det er montert nye brannpostar og brannalarmar.

### Kommunale tenester i nye Ålesund:

- I nye Ålesund vil Steinshamn framleis ha tilbod om jordmor, helsestasjon, lege, heimeteneste, omsorgsbustader med og utan heildøgnspleie, sjukeheim, rådhusfunksjonar og andre tenester. Skule, barnehage og SFO skal vere på Huse som no. Dette går fram av intensjonsavtalen.
- Som del av nye Ålesund vil dei kommunale tenestene, og dermed arbeidsplassane, framleis vere nær brukarane.
- Dei tilsette i Sandøy blir ein del av eit større fagmiljø i nye Ålesund. Spesialiserte tenester vil bli tilgjengelege for innbyggjarane. Dette i samsvar med målsettinga i kommunereforma om at større kommunar skal gi betre kapasitet og kompetanse.

### Reisetid og pendling

- Øyene, med unntak for Orta, har kortare reisetid til sentrale servicefunksjonar i dag, og også vil få det i nye Ålesund, enn til Aukra kommune. Den fysiske avstanden frå Ona/Husøya og Sandøya er uansett kortast til Finnøya.
- Fylkesstatistikk 2017 viser at det er hovudvekt av pendling inn/ut av kommunen frå/mot sør, både i kommunen i det aktuelle området (små tal).

### Viktige naturressursar og spesielle geografiske tilhøve – nye Ålesund

Sjølv om ei mogleg grensejustering omfattar 4-5 % av innbyggjarane i Sandøy kommune, omfattar det over 40 % av landareal og havområde. Sandøy kommune har 21,5 kvadratkilometer landareal og 985,7 kvadratkilometer havareal. Ved ei mogleg grensejustering vil store havområde ikkje lengre vere del av kommunen.

Havområdet er sentralt for å arbeide fram løysingar og sikre ei berekraftig utvikling gjennom det grønne skiftet. NTNU satsar på det grønne skiftet, og samarbeider med det innovative



## Nye Ålesund kommune

Haram - Sandøy - Skodje - Ørskog - Ålesund

miljøet ved Norsk Maritimt Kompetansesenter om forskning og vidareutvikling av den maritime og marine næringa. Nye Ålesund legg opp til eit samarbeid og ei satsing her.

I konkretiseringa av Intensjonsavtalen står det: Det er viktig å utnytte Sandøy kommune sin strategiske posisjon på kysten og etablerte næringskluster for t.d. turisme, maritim, marin og energinæring. Havrommet skal utviklast som ei større strategisk næring der fagmiljø for havrommet og vindenergi etablerast i Sandøy, i nært samarbeid med forskingsinstitusjonar.

Som eksempel kan vi nemne at Sandøy kommune allereie er med i eit pilotprosjekt for å lage marine grunnkart saman med kommunane sør for oss. Prosjektet er også ein del av nye Ålesund. Det er Runde Miljøsentar som koordinerer prosjektet. Prosjektet er viktig for å kunne forvalte kyst- og havområda best mogleg, gje god kunnskap om moglege kulturhistoriske verneområde og kunnskap til bruk i beredskapsformål og næringsformål.

### Økonomiske konsekvensar av ei eventuell grensejustering

- Bortfall av 67 innbyggjarar i kommunen frå dei aktuelle øyane, reduserer dei frie inntektene med om lag 1 mill. kroner (innbyggjartalet under endring).
- Bortfall av skatteinntekter frå dei aktuelle øyane er berekna til om lag 0,6 mill. kroner (noko usikkert tal).
- Bortfall av eigedomskatt frå dei aktuelle øyane er berekna til om lag 330.000 kroner (eigedomskatt i 2017).
- Havbruksfondet er i dag på 43.000 kroner, og er forventa å mangedoble seg på få år. Bortfall av det aktuelle området, vil redusere mulegheitene for denne veksten.

Desse negative økonomiske konsekvensane for Sandøy kommune omtalt over, følgjer også med til nye Ålesund.

Det må til slutt nemnast at ei mogleg grensejustering også har ei kostnadsside i prosjektarbeidet både økonomisk og ressursmessig. Nye Ålesund er ei av dei største kommunesamanslåingane i landet, vi har lite kapasitet til å samtidig handtere ei grensejustering. Denne kostnadssida må også bli teke med i ei heilskapleg vurdering.

Med helsing

**Eva Vinje Aurdal**

leiar av fellesnemnda for nye Ålesund



Fra: Göncz, Geir Janos[geir.goencz@aukra.kommune.no]  
Dato: 14. des 2017 11.58.52  
Til: Fylkesmannen i Møre og Romsdal  
Kopi: Vigdis Rotlid Vestad; Riksfjord, Bernhard; Rimstad, Ingrid Husøy  
Tittel: om grensejustering i Sandøy kommune - faktagrunnlag

---

Fylkesmannen ber i brev datert 21.11.17 om supplering av faktaopplysningar i samband med utgreiing av grensejustering mellom kommunane Aukra og Sandøy.  
Vedlagte rapport med faktaopplysningar fangar opp det vesentlege av faktagrunnlaget i saka. Aukra kommune har ikkje ytterlegare opplysningar/fakta om dei tema som vert omtala i rapporten.

Om det er ønske om særskilte opplysningar utover dei tema som er omtala i rapporten frå Aukra kommune så høyrer vi frå dykk.

GEIR J. GÖNCZ *Kommunalsjef*

---

Telefon direkte 71 17 15 06  
Mobil 979 87 909  
Telefon sentralbord 71 17 15 00  
Postadresse Nyjordvegen 12, 6480 Aukra  
[www.aukra.kommune.no](http://www.aukra.kommune.no)



Aukra kommune



Fylkesmannen i Møre og Romsdal.

### **Faktagrunnlag i samband med utgreiing av muleg grensejustering i Sandøy**

Eg viser til brev om innhenting av faktagrunnlag frå Sandøy og Aukra kommunar. Me har nokre opplysningar/kommentarar til enkelte punkt.

#### **Pendling :**

I dag er det 6 personar frå «småøyane» som pendlar til Finnøya/Harøya, (både heiltid og deltidsarbeid) 1 person pendlar til Molde, og 1 person pendlar både innan kommunen og ut.

4 av desse er «dagpendlarar».

#### **Bruk av kommunale tenestetilbud :**

Det er ikkje tilbud på Orta, Sandøya og Ona for dei som treng omsorg og pleie. Dei som har slike behov må flytte til Harøya, der det er trygdeboligar og sjukeheim.

#### **Foreningar :**

2 velforeningar

6 småbåtlag fordelt på 5 hamner

3 grendahus

Sandøy kailag - Sandøy kvinne og familieforbund - Steffogardens venner

#### **Retningsvalg ved bruk av kultur og fritidsaktivitetar:**

Det er ein god del arrangement på «småøyane» gjennom året. Folk deltar på ting som foregår på Finnøya og Harøya dersom desse er lagt til tider som passar med fergerutene. Ellers er kulturtilbudet i Molde og omegn med konsertar, teater, kino etc. mykje benytta.

#### **Grenselinje mot nye Ålesund :**

Me meiner grenselinja bør gå vestom Kvaløya, slik me foreslo i søknaden vår om utgreiing. Dette fordi Kvaløya tilhøyrrer grunneigar/næringsdrivande på Sandøya, og at det difor er heilt naturleg at den følger med til Aukra ved ei grensejustering.

Ona 16.12.2017

Med helsing

På vegne av søkarane frå Orta, Sandøya og Ona

Oddgeir Viken





Fra: Oddgeir Viken[oddgeir.viken@gmail.com] Dato: 4. jan 2018 10.30.08 Til: Vigdis Rotlid Vestad  
Tittel: Grensejustering i Sandøy - kommunens sitt faktagrunnlag  
Hei.

Eg har lese Sandøy kommune sitt faktagrunnlag til arbeidet med utgreiing om grensejustering, og kan ikkje dy meg for å komme med kommentarar til punktet som gjeld reisetid og pendling.

Det er plukka litt tilfeldig frå ruteheftet her ser eg.

Det er oppgitt at reisetid Ona- Småge er 1 time og 40 min, medan Sandøya- Småge tar 40 min ?

Dersom ein tek første ferga frå Ona på mandag - fredag (som er aktuell for dagpendling til Aukra/Molde), er reisetida Ona - Småge 1 time og 20 minutt, med anløp av Sandøya og Finnøya på veg innover.

På første ferga frå Småge - Ona på mandag- fredag er reisetida 40 minutt.

Med helsing  
Oddgeir Viken

